

Fungsug Fwendangz Yauzcuz Dahyougyangh

□ Maj Veiyungz comz hoiz



▲ Caez naengh doiqnaj eu fwen doxaeu.



▲ Gyoengqvunz doxcaez bae camgya hozdung fwendangz.



▲ Vunzmbanj caez doxriengz bae caeqbaiq bouxcauhseiq.



▲ Vunzlai Yauzcuz baij-yienj laeujdoxaeu.



▲ Mbauq sau Yauzcuz bau daehva.

Yauzcuz dwg aen minzczu deih-deih senj diegyouq ndeu, aen fungsug fwendangz caemh riengz gyoengqde senj daengz gak dieg. Yauzromj dwg aen gyoghongx louz miz fwendangz fungsug youqgaenj ndeu, gyoengqde youq ranghdieng song henz Dah-yougyangh laeng Baksaek Yougyangh Gih caeuq runghlueg diegbya gak yienh(gih) youq. Gij goek fwendangz dwg gij caeqbaiq hozdung bouxcauhseiq Yauzcuz, hoeng geij cien bi roengzdaeu, de couh bienqbaenz aen fwenhoih guhyoux, baenzgya, guhangq, ngoenzciet daengj hoengh banh haenx lo.

Fwendangz Yauzcuz Dah-yougyangh faen baenz geij cungj, fwendangz uhdamj, fwendangz laeujdoxaeu, fwendangz ngoenzciet, fwendangz guh'angq. Fwendangz uhdamj dwg gij fungsug conzdungj gyauyoux, de miz baenz dauq yizsiz: luheuh baihde, hoizdap, doxiek, doxdoi, uhdamj, youq rogdoengh gwn haeux, haeuj ranz, codangz, gwn haeux, doiq fwen, doxbiek, moix aen hothoh cungj miz fwen yizsiz caeuq

de doiqwnq; fwendangz laeujdoxaeu baugvat bouxmoiz bae camyah, laengz bouxmoiz, gaujcam, haeuj ding, habsawmingh, nauh dingdangz, dapwngq haqsau, nda daiz gyo' mbaiq, cieq soengq bawxmoq, baij daiz, laex gyo' mbaiq, hoiz laex, nauh dingdangz, haeuj daiz, danq daiz, soengq hek, doiq dangz daengj laex, moix bouh cungj miz gij fwen yizsiz bae doiqwnq; fwendangz ngoenzciet mbouj miz gij laex dinghmaenh bae haed, hoeng eu gijmaz caemh yaek yawj dwg ciet maz couh eu gijmaz; fwendangz guh'angq cix dwg youq mbwq le couh caeuq geij boux baengzyoux doxrox doxiu daeuq banh, yaek eu gijmaz youz swheij gag leh.

"Uhdamj" youh heuhguh "vuj-doh", eiqsei dwg dwkdomq roxnaeuz bau daehva. Gyoengq lwgmbwk yungh baengzcouz haj saek, maesei haj saek, haeuxgwn haeuxcab bae nyib aen daehman ndeu, caeuq gyoengq lwgmbauq mwngz bau gou cieq, yungh gijneix daeuq cienz cingz soengq ei, genjleh bouxyoux. Baenz

aen baenz aen daehman youq gwnzmbwn mbin bae mbin dauq, lumj duz saidoengz ndeu dawz gyoengq bouxcoz song mbiengj doxciep hwnjdaeuq nei.

Fwendangz dwg gaiqdap cienz-cieq gij fwen, lijyiz, fungsug Yauzcuz haenx, gig miz gij dijbauj vwnzva youqgaenj de. Bi 2010, fungsug fwendangz Yauzcuz Dahyougyangh ndaej senj haeuj buek daihsam swcigih gaep feihvuzciz vwnzva yizcanj mingzloeg.



▲ Ngaiz daizraez dak-daih caencik baengzyoux.



▲ Doxcomz eu fwen sim angqyangz.

► Baijyienj fungsug fwendangz Yauzcuz.

